

四庫未收書輯刊編纂委員會編

四庫未收書輯刊

北京出版社

陸輯·叁拾冊

四庫未收書輯刊

四庫未收書輯刊編纂委員會編

北京出版社

陸輯・叁拾冊目錄

月鹿堂文集八卷 〔明〕張師繹撰

一

逆旅集二十卷奏議四卷 〔明〕焦源溥撰

一三七

雙崖文集四卷首一卷末一卷附錄一卷 〔明〕周忱撰

二四七

姑蘇新刻彤管遺編二十卷 〔明〕鄭琥輯

三九九

詩法醒言十卷 〔清〕張潛等輯

六五一

〔明〕張師繹撰

月鹿堂文集八卷

清道光六年蝶花樓刻本

道光丙戌春鐫

月鹿堂文集

蝶花樓藏板

序



大尹春槎張公莅清之五載政成
民聽理甚無事乃出其先世明江
西按察 夢澤先生所謨月鹿堂
文集屬邑貢士黃試之選而刻之
以行世而問序於 光光 受而讀之
而知 先生之學之粹也夫文以
載道也而非以道市也 先生貫
通六籍博極羣書無論闡揚經義
一洗訓詁語錄之舊即纂言紀事

月鹿堂集

序

其善足以勸惡足以懲者皆使人
油然自得於語言文字之外而不
必為正襟危坐之談所謂不下帶
而道存者也嘗綜有明一代之文
始則宋王號稱臺閣終則袁譚標

舉性靈中間弇州歷下追秦漢之
鬼力荆川鹿門守唐宋之規模莫
不轉移風氣各自名家究之臺閣
傷縛性靈傷佻摹秦漢者或譏其
贗法唐宋者或病其弱其於立言

之旨蓋均不免後人之議爾惟正
學震川經術湛深胎息醇厚為能
不詭於道然正學泥古往往執中
無權震川晚達多應俗之作求如

先生之上維國步下樹民坊不
必皆言政治而無不關於政治不
必皆言義理而無不衷諸義理者
雖二子猶難言之觀集中導甲以
下十篇可以想 先生之自命已
信乎為載道之文而非徒以道市

也乃當時既未風行易代之後芸
香世守至 大尹而始刻之何歷
久不彰之如是也蓋文與世運為
盛衰萬泰天崇晦盲否塞本不足
傳 先生之文故必待

重熙累洽

觀文成化之日而後出在宋天聖廬陵
得昌黎文於敗簾中實始尊信而
韓學大顯然則今日 先生之文
之行其亦有如歐蘓曾王更互演

繹以鳴我

國家之盛者之繼續而起乎是久而
後彰正天所以寶貴 先生載道
之文使不限於有明一代而已也
豈偶然哉昔 先生造福江西尸

祝未沫其歷官本末具試之撰傳
而良法美意亦時時散見文集中
今 大尹宰清六年修廢舉墜造
士誠民卓有成績而入夏不雨其
禁暴勸分俾旱不為害者尤得

先生論徐耕之遺宜其敬明乃訓

汲汲乎以刻之也光被大尹之

德而追念先生之休蔽節甘棠

固有不容已於言者矧此集之行

其有功於世道人心為甚大哉爰

月鹿堂集

序

六

不揣固陋而為之序以竢夫知言

者質焉

時

大清道光六年歲次柔兆閏茂壯月初

吉

賜進士出身刑部浙江清吏司員外郎

清江後學楊學光謹譔



月鹿堂集

序

七

序

六經皆載道之書不僅以文見也而道即因文而顯自左國公穀莊列管韓史藻唐宋八家之文出以文名道者固多而以道市文者亦

月鹿堂集

序

復不少至於有明李夢易何景明之徒創為謬論文遂悖道而馳有擬馬遷班固者有擬莊列管韓者有擬左國公穀者且有擬石鼓文穆天子傳者而反薄唐宋八家之

文為不足觀夢陽景明其文自以

為本於馬遷而誌銘書記諸作景明猶貌似之夢陽則文蔓蕪穢無足觀矣尤而效之如弇州白雲諸人則所謂效顰於東施而為無鹽

月鹿堂集

序

二

氏之所竊笑者論者遂謂有明三百年無古文詞也過矣明江鹵廉訪使張夢澤先生余姻春槎大令之太高祖也所著月鹿堂集一洗夢陽景明之習胎息六經而衷

諸道居然左國史漢八家之遺得其潔而無明之冗得其精而無明之膚得其樸而無明之媚而鉤棘者可謂自成一家矣惜其文晚出從前選家均未之見然其寶氣精

月鹿堂集

序

三

光究自不可磨滅韓昌黎之文非歐陽文忠公不能表而出之先生之文非春槎不能梓而傳之文傳而道著有數存焉如必薄唐宋八家而摹石鼓文穆天子傳則蕪

蕪無章是猶舍正路而不由轉問道於盲也宜乎先生之文蘊而不彰以俟

文教覃敷之日始發其光華豈僅弁冕有明一代之文已哉

月鹿堂集

序

四

道光十有二年歲次壬辰孟冬月吉日姻家子王泉之頓首拜譔

明江西按察使司按察使夢澤張公傳

明江西按察使張公諱師繹字克雋南直隸常州府武進縣人祖贈按察訥齋公當嘉靖間倭寇吳會嘗鳩集鄉兵保衛郡城考贈按察養訥公用居積致富富而好行其德舉丈夫子二次爲公公之及月辰也生母劉太淑人夢吞雲夢於腹而生故後號曰夢澤甫就外傳卽能爲詩古文辭鄉先達唐凝菴太常孫覺斯宗伯皆深器之年十六補博士弟子十九饒高才二十三舉萬厯丁酉應天鄉試明年成進士令江西之新喻喻土瘠民月鹿堂傳

樵吏因緣爲奸逋賦至十餘年公案籍歎曰積逋逾十載無可鈎稽急之徒飽猾蠹民重困而賦終不可得也爲列上郡守請先徵當年餘以次及由是民始不病於乾沒時礦奄四出所在騷喻有告產白金者奄且至公不預庠供張不走使迎候書一法字授奄前驅奄知不可犯遂由虔畧清江而下喻省費以千百計俄以父憂解歸喻人思公不能自己爲專祠以祀更走臨川乞湯若士祠部紀其德政而碑諸祠服旣釋起官北直東明令東明隸大名守守故貪縱與公意氣不相中會有

月鹿堂傳

二

詔減繫囚釋城旦春以下公一日遍示城廂村落比郡檄下與公言殊左謂宜爲府征贖緩而後釋公毅然上書曰公卽不爲邑令身名計其若絲綸何守爲氣奪而銜之益深公度終不能得諸守以行其意乃奏記兩臺引疾自劾時渭南孫公鎮撫繼輔雅敬公爲疏請改教得南京武學教授庚戌遷國子學正公旣釋民社以教學爲官益肆力蒐討於書無不讀四方執經問字者戶外屨常滿其所成就如楚關七琦越陳南輝同邑張瑋下象乾輩咸發名成業有聲於時壬子擢刑部主事甲寅轉郎中會少司寇可泉宋公儀公久凡事涉矜疑輒虛懷咨訪公推誠致告多所平反刑以無濫丙辰出知湖廣常德府正己率屬愛民如子俸入所餘月三課士於庭而資給之詰茲捕盜不畏強禦郡遂大治庚申備兵台紹值驕卒索餉聚黨辱郡守凌材官橫行城市亂已有狀公至佯不營省陰廉得其煽亂者擒置諸法餘黨懾服歸伍一無所問以靖亂功加叅政仍留鎮台紹先是天台山僧久困礦稅將燔寺以逃公力爲奏罷勒石山顛太史陳明卿記其事乙丑晉江西按察使實熹

宗天啟五年也魏璫羅織正人大興詔獄其所鈎捕半出豫章公委曲調護多所保全而直指爲璫私人嗾公甚飛箋達璫將中以禍公知事不可爲遂決意解組歸歸而產無中人杜門養母不預外事有司或過而就教多謝遺之惟督課諸子刺經問業雖和寒暑手不釋卷其學滙萃諸家身體力行以求聖賢真際故於漢宋兩無所主其文章汪洋古奧自成一家牢籠萬有窮極變態而卒歸於醇正所著有學園寫几蝶菴偶書後統名爲月鹿堂文集所編有毛詩一讀二讀三讀而歷代

月鹿堂傳

三

史纂二書尤自信爲古人復起不易者以母喪致疾逾二載卒爲崇禎五年壬申距生於萬曆三年乙亥壽五十八

黃嘉譽曰公之仕不通奄豎而亦不附東林公之文不染鍾譚而亦不襲王李在明季中可謂卓然特立者矣公以縣令起家以廉訪致仕始終皆在江西其噢咻彫敝保全善類造德於江西也大矣積累旣厚世有達人道光元年我春槎邑侯來宰清江公六世來孫也凡潔已愛民興利立教一稟公爲法旣政通人和乃出所謂

月鹿堂集者屬勸編校將付剞劂更取家狀命爲作傳以冠諸首嘉譽何人曷足傳公顧今日身被侯德者卽高曾而上身被公德者也用敢忘其固陋僭加詮次俾讀者曉然於善作善述以競生其勸焉則公德所及不愈廣耶

道光五年歲次乙酉孟夏初吉清江後學黃嘉譽謹撰

月鹿堂傳

四

月鹿堂文集目錄

卷之一序

四書信心說序

玩易管窺序

詩經傳意序

詩經翼注序

說詩自序

春秋經傳畧序

左雋序

月鹿堂集 目錄

百子類函序

合刻元白長慶集序

于咽集序

陳木叔越吟草序

李宗文海會草序

文純子序

松廬篇序

卷之二序

蕭齋詩序

錢矩從詩序

元對齋集序

錢若木詩序

垂綸館集序

千仞齋初集序

太傅于忠肅全集序

闡然全書序

黃貞父寓林集序

重刻南溪集序

月鹿堂集 目錄

疏議摘畧後序

掖垣疏草序

大明律分類便覽序

南京兵部武舉題名錄前序

少司馬角山詹公年譜序

三司獄傳序

鍼灸密語序

卷之三序

奉賀胡遠志先生擢國師序

賀侍御謹吾朱公八十壽序

敬陽諸先生壽序

旌節董母姚太孺人紀事序

永嘉劉元受先生四書孤嶼草序

汝南方如心如如草序

桃源闕褐公合稿序

王子雲西悲樓未刻稿序

素業五編序

周廷吹嘉魚軒稿序

月鹿堂集

目錄

陳大士四書藝序

蕭江蕭孺華雞鳴山草序

雄風社序

賀石獻近稿序

姚元卿遺稿序

常武季考卷序

常武課餘序
治生春秋義序

卷之四 傳

補隋史王通傳

宋徐耕傳

正素先生傳

張惟孝傳

吳國才傳

杜環傳

謝龜巢傳

張行婆傳

趙端肅傳

周光祿傳

月鹿堂集

目錄

陶方伯節菴傳

劉忠愍傳

陳恭介傳

太師劉文靖公小傳

贈尚寶卿工部主事何孟循傳

都督姜大容傳

海忠介傳

卷之五 傳

汪太史子宿公傳

戴方伯子良公傳
沈都督虞臣公傳
俞總兵大猷公傳
少保戚繼光公傳
伍司馬文定公傳
謝太守傳
蘇宣列傳
繆布衣傳
青公傳
月鹿堂集
目錄
張風列傳
白阿二傳
漆工楊塤傳
黃烈婦傳
卷之六
傳 銘 議
得中公傳
雪梅公傳
萬言公傳
養訥翁傳

五

養訥翁續傳
子剛公傳
萬太恭人暨劉太恭人合傳
兄弟傳
舊明角梳銘
破鑪銘
復岳州加稅議
復吳兵道屯田議
建文帝祀典議
月鹿堂集
目錄
卷之七
書冊 勘語 封事 記
批荅龍陽縣六事書冊
江西六宦總勘語
熊徐二丞鄒銓部繇語
上少司寇宋可泉堂翁
法天封事
蘇老人祠堂記
臬圃異香記
游德山記

六

學園記	義舫記	記錢屯田郎事	卷之八	書後	題詞	墓誌銘	祭文	書東坡志林	題謝皋羽晞髮集	集導甲	集導乙	集導丙	月鹿堂集	目錄	七	集導丁	集導戊	集導己	集導庚	集導辛	集導壬	集導癸	明太學生張君不揚墓誌銘	野政朱公墓誌銘
-----	-----	--------	-----	----	----	-----	----	-------	---------	-----	-----	-----	------	----	---	-----	-----	-----	-----	-----	-----	-----	-------------	---------

明故桃源縣儒學教諭姚元卿先生墓誌銘	見吾關公墓誌銘	祭故祠部郎臨川湯若士先生文	祭侍御起莘錢公文					月鹿堂集	目錄				
								八					

月鹿堂文集卷之一

晉陵張師繹克雋甫著

四書信心說序

古之經傳皆孤行大學聖經一篇曾子創爲之傳傳者傳其意云耳讀之政使人恍然而標之曰釋非也既釋矣勢不容獨缺格物致知二則於是強起而補亡傳自不亡補之尤非也既補矣勢不容不爲之章句於是訓其故而條其凡一覽使人明白洞達不復有憤悱愧悔之意尤非也嗟乎學者自七八歲受之無業俛仰從人月鹿堂集

卷之一

笑啼非我信南渡諸君子不信洙泗大聖賢信耳目之官不信自心之靈妙矣中州符元茲屈首受書剝落諸家義疏久之未有得也又久之考證字學劃然天開渙然霧解作而嘆曰天垂象聖人則之天子同文字君子訓行之形立而文成聲滋而字廣者吾象遇之而上下旁偏十不失一吾聲諧之而齒舌喉舌抑揚清濁百不失一吾且爲指事爲會意不煩假借而四子精神了然心手間又何暇下一轉注乎哉乃北走燕質成玉繩周太史善夫太史氏之言訓詁家知尊紫陽不知尊孔孟

其禍尤慘于不尊紫陽夫尊紫陽之不可況徙而之他離經畔道入室操戈如夢人吟嚙象胥重譯若今新說者哉符子以本文還本文以箋注還箋注以字還字斂其泰侈一返本原東面而望不見西牆南面而望不睹北方惟無所嚮則無所不通符子之信心信孔孟也政所以信紫陽也尊則可大信則可久人疑雖甚久之自安請堅定以俟之予聞孫過庭論書必傍通二篆俯貫八分今世不識書多繇於不識字宋侍書王著模章草諸帖形近篆籀者皆去之字亦有雅俗俗字最盛行山月鹿堂集

卷之一

二

谷少時作書初不師古稍推類爲之事急便以意成或不自認爲問元茲君說具在將無有一二俗字相承者乎將無小以意成有不自認者乎夫去俗彌遠則其取疑倍多好古太堅則其深文必甚符子生程夫子之鄉伊洛淵源至今如在吾於此書見其心決定爲聖人之徒無疑矣

玩易管窺序

予友錢子之學子程子之學也夫何以定爲程子之學以學易知之也錢子不治易易之行世者不下數百家